

Bosna i Hercegovina

Federacija Bosne i Hercegovine

Kanton Sarajevo

Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo

Broj: 03/03-02-2993/23

Sarajevo, 06.02.2023. godine

Na osnovu člana 104. stav (2) alineja a) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 30/22), Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo u sastavu Onahti Čerkez - predsjednik, Elvis Zornić - zamjenik predsjednika, Azra Koldžo - član i Jasmina Lukovac - član, povodom zahtjeva Admire Beganović, broj: 03-02-2993/23 od 01.02.2023. godine, a u vezi sa tumačenjem čl. 66. i 78. Kolektivnog ugovora za državne službenike i namještenike u organima državne službe Kantona Sarajevo (u daljnjem tekstu: Kolektivni ugovor), na redovnoj sjednici održanoj dana 06.02.2023. godine, *donosi*

ODLUKU

I

Utvrđuje se tumačenje čl. 66. i 78. Kolektivnog ugovora, kako slijedi:

"Roditelju koji koristi pravo rada sa polovinom punog radnog vremena, temeljem člana 78. stav (2) pripada pravo na naknadu pune plaće (dok ovo pravo na naknadu ne bude regulisano posebnim zakonom). Rad sa polovinom punog radnog vremena iz razloga utvrđene invalidnosti djeteta u procentu 100% i 90% nije izjednačeno sa odsustvom sa posla u smislu odredbe člana 66. stav (2) Kolektivnog ugovora.

Cijeneći navedeno, a kako je i nedvosmisleno navedeno u stavu (2) člana 78. Kolektivnog ugovora, roditelju koji koristi pravo rada sa polovinom punog radnog vremena iz razloga utvrđene invalidnosti djeteta u procentu 100% i 90% pripada pravo na naknadu pune plaće – uključujući topli obrok."

II

Ova odluka će se dostaviti podnosiocu zahtjeva i Sindikatu putem Ministarstva pravde i uprave Kantona Sarajevo.

III

U skladu sa odredbom člana 104. stav (8) Kolektivnog ugovora, ova odluka ima pravnu snagu i učinak Kolektivnog ugovora, te će se u skladu sa članom 104. stav (14) objaviti u Službenim novinama Kantona Sarajevo.

Članovi komisije:
Onahti Čerkez
Elvis Zornić
Azra Koldžo
Jasmina Lukovac

